


اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلتیق شرطیله ۴۰، طشره لره پوسته
اجرتیله برابر ۶۰ غروشدرد.

مجله اولنور

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزمه موافق آثار قبول اولنور.
درج ایدلین اوراق اعاده اولماز.



نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

﴿ اودون وکاغذ دوری ﴾

دمیر و طاش اعمالا تندن آرتق اوصانمش اولان عالم انسانیت سنین اخیرده اودون و کاغذ اعمالا تنه عطف انظار اهمیت ایتمشدر. ارباب مطالعه نك خاطر نشانیدر که کاغذدن وجوده کتیزیلن کرسته ایله مبانئ جسمیه، واغون و سائر انشاسنه، کاغذک دها برچوق شیرده اجرای تطبیقاتنه موفقیت الیزمش ایدی. ایشته بو دفعهده اودون اعمالا تنه شروع اولنمشدر: اسویجره مالکنده انشا آتده طاش یرینه اودون یونغه لرندن وجوده کتیرلمش موادک استعمالی قرارگیر اولدیغی بوکره آوروپا رسائل فیه سی خبر ویریور. ماده مذکوره اغاج یونغه لرینک بریتیت نحاس، یاخود سولیمه ایله یا بلش خرج ایله قاریشدیر. لمق صورتیه استحصال اولنان برمجوندن عبارت اولوب بومجون قورودلدن صوکره ماکنده تضیق ایدیلهرک ایسته نیلن شکله ارجاع اولنمده وایشته بونلر انشا آتده استعمال ایدلمکده ایمش! ماده مذکوره یه «اغاج طاشی» تعبیر ایدیله بیلوب چونکه بویولده وجوده کلن طاش غایت خفیف اولمقله برابر طاش قدر سرت بولنمده و طاشده اولدیغی کبی بونک اوزرینه ده اویمه و حک و سائر ایشلنه یلمکده ایمش! اشبو «اغاج طاشی» ایله بوکونلرده اسویجره ده جسم بر اولنل انشا آتده باشلا. نیله جغی ده روایت ایدلمکده در...

—○○○○—

﴿ کره ارضک سنی ﴾

کره مزک قاچ یاشنده اولدیغنه، دها قاچ سنه یاشایه بیله جکنه دائر ارباب فنون طرفدن شمعی به قدر برچوق حسابلر یاپیلدیغی معلومدر. آمهریقا هیئتشناساندن

موسیو والقوت نام ذات بوکره — فکرنجه — طوغری به یاقین اولمق اوزره برحساب یاهره بوبانده برطاقم معلومات نشر ایتمشدر. معلومات مذکوره یه نظر آکره ارضک قبل الطوفان سنی ۱۷,۵۰۰,۰۰۰ سنه به بالغ اولمق لازم کلوب اندن صکره کذران اولان برنجی دورک ۷,۲۴۰,۰۰۰ و دورناینک ۲,۹۰۰,۰۰۰ سنه دن عبارت بولنمسی ایجاب ایدیورکه بو حسابجه کره مزک الیوم ۲۷,۶۴۰,۰۰۰ یاشنده اولمسی اقتضا ایلور...

شوراسی ده ذکره شایاندرکه: ارباب فنون دیگر بر ذات ده کره نك آتیه قدر مدت یاشایه بیله جکنی تخمین ایدوب نتیجه سننده ۳۰,۰۰۰,۰۰۰ سنه دها پایدار اوله بیله جکنی بیان ایله مکده ایمش!

—○○○○—

﴿ آمهریقایلرک یکی واپورلری ﴾

آمریقا موجدلرندن بر ذات اخیراً غریب بر واپور اختراع ایتمشدر: بو واپور اک زیاده قانالارده سیر و سفر ایتمکده اولوب برچوق چرخلری، حلزونلری حاوی اولدیغندن قانالارک اعوجاجلی محملرنده برکونه مشکلاته دوچار اولمقسنین سیر و حرکت ایتمکده و صورت مخصوصه ده اعمال ایدلمش بر ماکنه واسطه سیله عندالایجاب قتالک صولرینی قابارته رق سیرینی تسهیل و تسریع ایله مکده ایمش؟

—○○○○—

دیوارلرده کی رطوبتی ازاله ایتمه نك چاره سی

معلوم اولدیغی اوزره روماتیزمه یه دوچار اولانلر رطوبتدن پک زیاده متأثر و متأذی اولورلر. اکثریا کارگیرخانه لرک دیوارلرنده رطوبت اکسیک اولماز؛ ارباب فندن بریسی

بوکا قارشی بر چاره بولمش که غایت ساده و سهل الاجرا اولدیغی ایچون صورت استحصالی بروجه آتی درج ایدیورز:

(استه آرین stéarine) دینیلان اجزا ایله (پوتاس قوستیق potasse caustique) دن مساوی مقدارلرده تدارک اولنوب بعد السحق قایناتلیدیغی ائشاده بر مقدار (حامض خل acide acétique) ایله (سالیسیلیک salicylique) علاوه ایتلی. بو صورتله دافع التعفن برصابون حاصل اولورکه رطوبتک پک بیوک دشمنیدر.

—○○○○—

﴿ کوی حکیمی ﴾

(ماهد)

شوراسی ده اختصار ایدلم که چو- جو قلرک نشو ونمای وجودی ایچون اتخاذای مقتضی تدابیر یوندن عبارت دکلدیر؛ یعنی چو جو قلری اوله ساده جه سربست برافقله اکتفا ایتمه مدیدر: برچوق سبیلر واردرکه نشو ونمایه مانع اولور. هرشیدن اول بو سبیلری آریوب بولهرق ازاله سنه چاره ساز اولمدیدر: احتمال که چو جو غی یاتیروب قالدر- مقده، کیدیروب صومقمده، یاخود دیگر معتاد اولان بعض احوالده قصور ایدیلیر؛ بعض مناسبتسنر اوینلر، وجودلرینک تحمیلی فوقنده چالیشه کبی احوالده مانع نشو ونما اوله بیلیر. خلاصه چو جو قلرک وجودجه تکملارینه مانع اولان هر نه ایسه انی دفعه چالیشقی و عندالایجاب بر طبیب متخصصک معاونتته شتاب ایله مک لازمدر. انحق بویله بر احتیاج حصولدن اول والدهلر، جکرکوشه- لرینک راحتسزلیکنی و یاخود نشو ونماجه اولان نقصانلرینی موجب اولان اسبابی بالتخری بولهرق وزمان کچیرمیه رک دفعنه چاره ساز اوله بیله جکری بدیهیدر: چو-

چوقلره كونده برقاج دفعه «اكر رسيس» (ادمان) اجرا ايتديرمك، بو صورتله تشكلات عضويه لرني بولسه قويق والدهلر ايچون هر زمان ممكندر.

اكر چوقوقده بر آز انخسا اثرى كورولورسه ياناغنه ياصديقسز اوله رقتايرمق؛ بويله اولماديغنى صورتدهده هر حالده ياصديقك يوكسك اولماه سنده دقت ايله مك لازمدر؛ مع هذا چوقوقلرك ياتاقلى اوليله پك يوبشاق اولمايوب بر آز سرت اولماليدير. چوقوقلرده عمود فقارينك انحرافندن قورقولور وياخود ديكر بر خستلك اثرى كورولورسه درحال بر طبیب حاذقه مراجعتله تداوى ايتديرمه ليدر.

چوقوقلرده كورولن بوكي عوارض بدنيه اكثرا قورسه دينان جندره نك آثاري اولوب پك صيقى البسهده بو يولده تاثيردن خالي اوله ميه جغندن يوقايرده بيان اولنديغنى وجهيله بويله شيلردن اجتناب ايندلسى لزومى تكرار اولنور.

شهرلرده تعليم و تربيه كورمكه بولنان اطفاله موسنده بالقي ياغي ايجيرلرسي پك فائده ليدر. بالقي ياغي چوقوقلرك وجودنى تقويه ايتديكي كي آتيا حياجه موجب وخامت اوله بيله جك پك چوق ابراضك اوكنى آله بيلير. كوى عالمده ياشايان چوقوقلرده بو احتياجن پك وارسته دكلر ايسدهده شهرلرده كي احتياج بالطبع زيادهدر. بالقي ياغي چوقوقلرك همان كافه سنه يارار دينيله بيلير؛ تاثيرى براز كج حاصل اولورسدهده شايان حيرت درجهده سوركليدر.

چوقوقلرك درجه سنه كوره بالقي ياغندن، آقشام و صبحا طعاملى ائشاده بر ياخود يارم قاشيق مقدارى ايجيريلير. اون بش كوندن بر آيه قدر بوسورتله دوام اولندقدن صوكره اون كون قدر فاصله ويريلوب تكرار اولكي منوال اوزره دوام

اولنور. اوچ آي قدر بو صورتله دوام اولنورق نتيجه سنده چوقوغك قوت بدنيه سنده نشو ونماسنده اثر ترقى مشاهده اولنديغنى تقديرده شوائر ترقينك تكملنه يعنى چوقوغك سنى نسبتده اكتساب قوت وتموينه قدر دوامده ثبات اولنق ايجاب ايدر. بالقي ياغتك آغرى قوقوسنى، طمنى تعديل وازاله ايچون چوقوغه ايجيرلديكى متعاقب بر دانه نانه شكلى ويرمك، وشايد بالقي ياغي چوقوغه طوقنور يعنى اسهاله باعث اولورسه بر طبييدن استمراج ايتك لازم كلير.

قيز چوقوقلرده نشو ونماي بدن بلوغلى آوانسه مصادف اولايغندن بونلره او آرائق زياده دقت وتدابير صحيحه رعايت ايتك لازمه دن وحسنلرينك تكملى ايچون مقتضى مواددندر. چوقوغك طبيعتى يارديم ايدر ويوب ايجه جكنك نفاست وانتظامنه وصاف هوا تنفسنه دقتله برابر قورسه كي برطاقم مضيقه لردن آزاده بولندير ييرسه بو تكمل بالطبع دها كوزل بر صورتده حصول پذير اولور. كويلو قادينلر على الاكثر غايت ايرى وهان بچمسز دينه جك صورتده ثقل وجودلى اولدقلى معلومدر. بونلرك وجودجه اولان شو نزاكتمزلكلرى قورسه كيمه كدن وساره دن منبعث اولمايوب مجرد چفت سورمك، طوپراق قازمه كي برطاقم آغرى ومشتقلى ايشلرله آوده اولمردن ايلرى كله بر نشو ونماي خارق العادهدر. شهرلى قيزلر ايچون بو يولده خارق العاده نشو ونما انديشه سنه اصلا محل يوقدر.



جناسيتق — ادمان بدن

جناسيتقق قوايندى — صحرا ده، كوى عالمده ياشايان چوقوقلره موقعك اقتضاي

طبيعي سندن اوله رق كنيش، دوز محالرده ايسته دكلرى كي قوشوب اويناغنه موفق اولورلر كه جناسيتق دينان تعليمده موجود حركات بدنيه نك كافه سى مع زياده داخل وموجوددر: آغا جلره طيرمانوب چيتمق، قوشمق، اويناغى وسائر بر چوق حركات طفلانه وجودلرني تقويه، نشو ونمالرني تكميله خدمت ايدر. چوقوقلرك بوحالارنى ابوينى خوش كوررلر؛ اويونلر ايچنده بعضاً مخاطره ليسى اولسه بيله چوقوقلرده حاصل اولان اعتياد بوكي مخاطرات جزئيه مقاومه باعث اولور. بناء عليه اطفالى بايان يورويوب قوشمعه، حتى برزده آنه يئنگه آليشديرمق فائده دن خالى دكلدر، بونك ايچون اول امرده چيلاق يعنى اكر سز مركبه اركاب ايتمه ليدر. فقط شو تدبيرك قيز چوقوقلر ايچون فائده دن زياده مضرتى موجب اوله جنى داما درخاطر ايسله ليدر.

شهرلرده بيومكه اولان اطفالك، كوى عالمده كي چوقوقلرك نائل اولديغى — بالاده معروض — احواله نائليتارى مشكلدر. بونلر ايچون داما واسع اويون ميدانلرى، قيرلر، صحرائر بولنه ميه جغندن كنديلرينه جناسيتق وتمكن اولديغنى تقديرده سباحث تعليم ايندلسى توصيه اولنور.

جناسيتقك اجرا سنده كي اهميتك درجه سى اكثرا بيلنه مديكندن چوقوقلر معطل حالده قاليرلر. اكتساب علم وهنر ذهنك نشو ونماسنه خدمت ايتديكي كي جناسيتقده وجودك انتظام نشو ونماسنه خادم بر تعليمدر.

دوقنور ف. (مابعدى وار)

